

- 2
- 2 Quæ quum ita sint, muneris, quo fungor, partes diligentissime impleturus, ea rationum momenta breviter attingam atque exponam, quæ non nullis ex Sapientissimis Consultoribus impedimento esse visa sunt, ne affirmativum redderent responsum. Heic autem non integrum vita V.S.D. spatium percurram, nec primum statum morabor ad triginta ferme annos protractum, in quo Dei Famulus, licet de profitenda S. Dominici Regula consilium prius suscepit, Mercaturam attamen mox exercuit, Militiaque demum nomen dedit; equidem intelligo, sat esse, Ven. Gasparrem præclara, & non obscura dedisse Sanctitatis indicia, postquam Ordinem S. Francisci de Paula fuit ingressus, in quo ad obitum usque per annos plusquam quadraginta perseveravit.
- 3 Ad hoc itaque non breve temporis spatium quod spectat, perlustrantes Patres doctissimi Inquisitiones omnes tam Ordinaria, quam Apostolica auctoritate confessas, ethi illorum, qui Caussæ prærerant, diligentiam sollicitudinemque magnopere commendaverint; quibus factum est, ut brevi annorum curriculo præfatae Inquisitiones fuerint absolutæ; non attamen concedere poterant, Probationes ex illis desumptas firmas adeo plenasque esse, ut nullum ambigendi locum relinquerent. Quid enim prodesse animadvertebant, speciosum biscentum & ultra Testium numerum, si omnes fere auriti sunt, proindeque illi, qui in oculatorum classe recenseri revera merentur, supersunt sane pauci? Quid prodesse, ajebant, studium Inquisitiones quamcūtissime conficiendi, eaque in Tabulis referendi, quæ Altissimus ad Venerabilis Viri intercessione patrassæ Miracula perhibetur, si illustria illa desunt Sanctitatis argumenta, quæ a Virtutibus rite recteque probatis peti debent, quæque Heroem faciunt atque conti- tuunt?
- 4 Porro nec ipsi Caussæ Patroni negare unquam ausi sunt oculatorum Testium numerum ab auritis longe superari; ajebant dumtaxat in præteritis Respons. §. 6., id mirum cuique esse non debere = quia Ven. Dei Servus thesaurum suarum Virtutum publice non portabat in Via, nec in ore hominum posnebat; & quia quum esset Regularis custodiebat Recessum, & adeo studiebat sua bona facere in abscondito, ut potius mirum esse debeat, quod inter Testes Saculares, & Regulares viginti septem inventi sint, & examinati in Proces- su Informativo, & triginta duo in Processo Apostolico, qui fuerunt de visu concludebantque properea, oculatos hosce Testes plenam, perfectam, numerisque omnibus absolutam Probationem confidere, quandoquidem = in omni negotio duo, vel tres Testes sufficiunt.
- 5 Recte id quidem. Verum veremur quammaxime, ne ab hac ipsa, quam Dei Famulus tenuit, solitariæ vitæ ratione gravis exsurgat difficultas demonstrandi, illum Virtutibus omnibus præcelluisse. Et re sane vera, perpendenti Benedicto XIV., serioque consideranti, curnam difficillima semper fuerit Virtutum Probatio ab iis exercitarum, qui vel ex Instituto, vel ex proposito vitam duxerunt suam, clauso Cubiculi ostio remotisq[ue] arbitris, animadvertere occurrit Lib. I. cap. 13. num. 18., ideo paucos ex his Canonizatione fuisse decoratos, quia Virtutum heroicarum Proba- tio ex actibus exterioribus juxta morem & disciplinam Sacrae hujus Congregationis dumtaxat deducitur; qui actus plurium fide dignorum Testium assertionibus innitantur & confirmantur. Quamquam præstantissimis Postulatoribus nunquam dabimus, præclara, quæ enarrantur, Ven. Gasparis facinora, a novem supra quinquaginta oculatis Testibus comprobari. Neque enim fas ipsi erit, Testes in Ordinaria Inquisitione exceptos, & de- cum in Apostolica de more repetitos, quasi duplēm repræsentent per-
so-